



MINISTRY OF EDUCATION

*Te Tāhuhu o te Mātauranga*

Niue

# TAU FAKAVĒAGA HE KAUTŪ

ma e totou, tohitohi mo  
e taute nūmela

Mitaki fēfē e tau gahua he  
tama haaku he aoga?



## Ko e heigoa e tau Fakavēaga he Kautū (National Standards)?

Ke kamata mai he tau 2010, ko e tau aoga oti kua fai fānau he Years 1–8 to fakaaoga ai e tau National Standards ke he totou, tohitohi mo e taute nūmela.

Ko e tau fakavēaga nai kua tālaga he Ministry of Education mo e tau pulotu he tau fakaakoaga takitaha. Fakamatafeiga he tau fakavēaga e tau mena he tau fānau kua fakaaoga e vagahau Peritānia ko e vagahau fakamua ne kua lata ke taute he totou, tohitohi mo e taute nūmela he Years 1–8.

### Kaeke nākai ko e vagahau fakamua e vagahau Peritānia he tama haau

Kaeke ko e fakaako foou e vagahau Peritānia he tama haau liga to fifili e aoga kua tonu ke taute e tau fakailoaaga ki a koe ke fakaaoga e English Language Learning Progressions ke he ua po ke tolu he tau tau fakamua.

Fakamatafeiga he Progressions e tau amaamanakiaga he totou, tohitohi mo e vagavagahau mo e fanogonogo kua lata ma e tau fānau kua fakaako foou ke he vagahau Peritānia. Kua lagomatai atu foki e tau mena nai ke he faiaoga ke maeke a ia ke taute e tau fakaholoaga fakaako kua lata ke lagomatai aki e tama haau ke holo mafiti haana a tau lotomatala ke he tau fakaakoaga nai.

Ko e magaaho ka tatatata atu ai e holoaga he tūaga he tama haau he totou mo e tohitohi ke he tūaga he tau fānau kua atu taha mo e tama haau, to taute he aoga e taha fakailoaga he totou mo e tohitohi ke muiua ke he tau fakatokatokaaga he National Standards.

To fakaaoga he tau aoga e Mathematics Standards ke fakailoa aki e holoaga he lotomatala taute nūmela he tama haau.

## Ko e fakagahua he hā e tau mena nai?

Fakakite he tau fakavēaga ke he tau faiaoga mo e tama haau mo koe foki e malolō totou, tohitohi mo e taute nūmela he tama haau pihia foki mo e tau lakaaga ki mua he haana a tau fakaakoaga.

Ka mitaki e totou, tohitohi mo e taute nūmela to moua he tama haau e tau lotomatala kua lata mo ia he magaaho nai. Ka gahua e tama haau fakatatau po ke molea e tau fakavēaga he Years 1–8, ko e kitiaaga haia to fakaoti mai e tama haau mo e aoga tokoluga mo e taha fakamailoga hagahagamitaki he NCEA level 2 po ke tata atu atu ki ai.

## To fakaaoga he tau faiaoga e tau fakavēaga totou, tohitohi mo e taute nūmela ke:

- fakatokatoka mo e fakaako e tau mena kua lata he tama haau ke iloa haggao ke he totou, tohitohi mo e taute nūmela ke he tau fakaakoaga oti haana
- iloa ko e fēfē e tau fakaakoaga he tama haau
- fakatokatoka fakalataha mo koe mo e tama haau e tau fakapapahiaga fakaako ka holo atu a ia ki ai pihia foki mo e tau haggaoaga he haana a tau fakaakoaga
- taute e tau fakailoaga tohi ki a koe kaupā mai he lagaua he tau, haggao ia ke he holoaga fakaako he tama haau muiua atu ke he tau fakavēaga.

## Taha nakai e kamatamata he kautū?

Nā kai.

## Taute fēfē la he faiaoga ke iloa ko e mitaki nakai e tau fakaakoaga he tama haau?

To fakatumau e faiaoga ke fakaaoga loga e tau pūhala ke iloa ko e mitaki fēfē e totou, tohitohi mo e taute nūmela he tama haau. Aofia ai e:

- fakaaogaaga he tau vahega kamatamata kehekehe
- kitekiteaga ke he tama haau ka gahua he poko aoga
- fakatūtalaaga mo e tama haau ke he haana a tau fakaakoaga
- tama haau ke fuafua ni e ia haana a tau gahua mo e tau tama oti ke igatia mo e fuafua e tau gahua he falu a fānau.

Mena manako e falu a fānau ke fai magaaho atu foki mo e fai lagomataiaga ke moua aki e tau fakavēaga kua lata. To gahua fakalataha e faiaoga mo e tama haau ke moua atu foki e falu a haggaaoga fakaako haana.



## Gahua fakalataha mo e faiaoga he tama haau

Mahuiga haau a tūaga ke he tau fakaakoaga he tama haau.

To lagomatai ke mitaki lahi e tau gahua aoga he tama haau kaeke kua mitaki e fakafetuiaga haau mo e haana a faiaoga, maama mitaki e holoaga fakaako haana mo e gahua fakalataha ke lagomatai atu ke he haana a tau fakaakoaga.

## Tau vahega hūhū ke hūhū atu e koe ke he faiaoga

- Mitaki fēfē e tau gahua he tama haaku?
- Tau mena fēfē kua gahuahua mitaki a ia ki ai?
- Ko e heigoa e tau mena ke lagomatai atu ki a ia?
- Tau fakaakoaga fēfē ka holo atu a ia ki ai?
- Ko e heigoa e tau mena kua manako a koe ke iloa ke he haaku a tama ke maeke i a koe ke lagomatai atu ki a ia he poko aoga?
- To lagomatai fēfē he aoga e haaku a tama?
- Lagomatai fēfē e au ke maeke a ia ke fakaako he kaina?
- Tau pūhala fēfē ke maeke i a au ke mātutaki mo koe hāgāo ke he holoaga fakaako he tama haaku?

# Fia iloa foki nakai a koe he falu a mena ke he National Standards mo e tau puhala fakailoa?

- Tutala ke he faiaoga he tama haau
- Ahiahi atu ke he kupega hila he Ministry of Education ti fofota e mātutakiaga National Standards – [www.minedu.govt.nz/Parents](http://www.minedu.govt.nz/Parents)

Fai talahauaga foki e kupega nai ke he:

- fakaakoaga he Vagahau Peritānia ko e vagahau ke ua aki
- tau fānau kua fai matematekelea fakaako

- Totou e tau fakavēaga – [www.nzcurriculum.tki.org.nz/National-Standards](http://www.nzcurriculum.tki.org.nz/National-Standards)



Copies of this leaflet (item number 700094) are free to order from [www.thechair.minedu.govt.nz](http://www.thechair.minedu.govt.nz) or by email: [orders@thechair.minedu.govt.nz](mailto:orders@thechair.minedu.govt.nz)

The leaflet is also available in: Afrikaans (700091), Arabic (700090), Chinese (700088), Cook Islands Māori (700089), Dari (700086), English (700012), French (700087), Hindi (700084), Korean (700085), Samoan (700082), Somali (700083), Tagalog (700081), Thai (700095), Tokelau (700092), Tongan (700093).